

國民 文獻 分類 編續

國家圖書館出版社



歷史地理
卷



885



民國時期文獻保護中心
中國社會科學院近代史研究所

編



民國文獻類編續編

民國文獻類編續編

歷史地理
卷

885

民國時期文獻保護中心
中國社會科學院近代史研究所
編

國家圖書館出版社

庾恩暘 著

雲南首義擁護共和始末記
(上冊)(二)

雲南圖書館，一九一七年出版

第八八五冊目錄

雲南首義擁護共和始末記(上冊)(二) 庾恩暘著 雲南圖書館, 一九一七年出版…………… 一
雲南首義擁護共和始末記(下冊) 庾恩暘著 雲南圖書館, 一九一七年出版…………… 一八七

雲南首義擁護共和始末記

墨江庾恩陽楓漁編著

會澤唐蕙賡先生鑒定

第一章 緒論

滇爲中國西南之奧區，密邇強隣，數十年來，人人怵於時勢之艱危，時申儆而振厲之，於是乎樸勇之概遂爲我國人所共譽。民國四年之七月，妖禍突興，帝制復活，舉國上下爲威所壓，爲利所誘，雖有豪傑忍氣吞聲，遂以無理至極之事而竟有全國一致之贊同。此眞神明華胄之奇辱，而赤縣神州之巨變也。當籌安會發電至滇之時，唐公卽告恩陽等曰：「彼研究法理耶？殆事實已成而已。」嘗試人情耶？抑運動成熟而已。吾誓除之，特不可稍露痕迹，使神奸疑慮耳。滇之人士睽

緒論

睽駭歎羣奔走於唐公之下聽指揮而受機宜密探密電與各省絡繹不絕內而京師外而南洋各島往反籌商應時而舉人同此心心同此理或遙張其勢或陰助其力赫赫烈烈幸復返於莊嚴璀璨之民國回思起義之初千危萬難只知有民國而拚身家性命於不顧岑西林之函唐公有曰袁氏肆虐合海內外人以謀傾之年復一年不能損其毫末公獨振臂一呼使神州重見天日此真公論之不容泯者是以謀定後動貫徹始終洪憲二字未嘗接觸於滇人之眼簾請願諸人未敢寄跡於三迤之境上公私報紙無一日絕其正論五色國旗無一日變其顏色所以爲國家留一片乾淨之土者洵非易易不有記載奚以信今而傳後耶乃撫其實實刪其瑣屑釐其次第著之於編

第二章 袁氏稱帝之原因

第一節 袁氏稱帝之遠因

清光緒二十一年。醇親王慶親王與軍機大臣會商。奏請改革軍制。派袁世凱充練兵大臣。就天津新農鎮（卽小站爲淮軍屯駐故壘）以西法編練新軍。奉旨允行。是爲袁氏活躍政治舞臺之始。厥後滿清之亡與今日民國之亂皆於此有重大因果關係。袁氏值此時期中。極以權術的恩澤籠絡部下。近今如副總統馮公國璋。國務總理段公祺瑞。直隸督軍曹錕。山東督軍張懷芝。湖北督軍王占元。吉林督軍孟恩遠。安徽督軍張勳。熱河都統姜桂題。及雷震春。段芝貴。陸建章等。皆先後屬其所部。世所稱小站系是也。戊戌政變。袁氏以告變。大得清太后稱許。又極趨承榮祿。榮力引之。不數年。官至直隸總督。兼北洋大臣。長蘆鹽政大臣。督辦關內外鐵路。參預政務大臣。督辦商務大臣。督辦蘆漢鐵路公司事宜。督練八旗兵丁。督修正陽門工程。督辦電政大臣。會訂商律大臣。會

袁氏稱帝之遠因

四

辦練兵大臣各差威權。日重。人皆側目。其弟世彤移書切責。斥爲妄圖。非分清太后亦漸有疑意。袁氏不自安。奏請將第一第三第五六各鎮歸陸軍部直轄。第二第四兩鎮仍歸其統轄。以資策應。清太后可其奏。尋轉任外務部尙書兼軍機大臣。陽重川之而陰實奪其兵權。以免跋扈也。袁氏蒞部任事。復操縱慶王結連內宦李蓮英。游揚清太后之前。以固其寵。光緒三十四年。光緒帝及西太后相繼殞落。宣統繼承大統。醇親王載灃監國攝政。以袁氏之心曲終不利於皇室。以足疾放歸河南。一時在京供職之將領軍卒。凡與有密切關係者。皆託故辭職。或退伍。陸續潛來彰德。依袁氏。袁氏悉加以優待。薪資餉糈。一如服務時之故。從前司文牘者。袁氏咸畀以私家記室。京師及各直省。均派遣密探。刺取政界消息。統計每月所需。約在四萬金以上。俱於長蘆鹽稅餘款匿報之。二百萬金項下取給。又常卑辭厚幣。結納慶王。令徐世昌。廕昌等爲之疏通。朝貴往來京漢鐵道者。袁氏必令其長子克定。至車站迎送。以故官僚中人多譽之。辛亥武昌起義。清廷命廕昌

督師征之不利。慶王奕劻等請起用袁氏。任爲湖北總督。并派充欽差大臣。辦理湖北軍務。袁氏以足疾力辭。清廷復派慶王奕劻詣廬敦請。袁氏出爲內閣總理大臣。迫載灃解攝政職。恐嚇隆裕太后。勸宣統帝以退位爲得一面。派其子克定入同盟會與民軍通款。派唐紹儀爲全權大臣。挾帶條件（袁爲總統則民主共和。袁不爲總統則君主立憲）南下與民軍議和。當是時南京政府先已成立。孫公文被選爲臨時大總統。袁氏大志。撤銷紹儀全權名義。反對與民軍所議之案。和議幾至決裂。孫公許讓以總統之位。袁氏乃暗約北軍將領段公祺瑞等。一致贊同共和。清廷無法。遂決計退讓皇位。袁氏慮孫公不信。故令清室以政權畀已而發表退位上諭。中有令袁世凱以全權組織臨時共和政府一語。孫公文克踐前約。向臨時參議院提出辭職。推薦袁氏爲候補。遂由南京臨時參議院選舉袁氏爲臨時大總統。請其南下就職。袁氏覆電。僞爲遜謝。不允南下。南京臨時政府復特派專使蔡元培等

袁氏稱帝之原因

五

袁氏稱帝之遠因

六

北上。致以孫公及南京臨時參議院書翰。請其一至南京。調和南北意見。國都問題。付之將來。國會公決。袁氏以待北京局面平靜。卽赴南京爲辭。而陰從楊度策。喉北京一部分之軍隊暴動。燒殺搶掠。備極慘酷。至是袁氏乃以暴徒爆發爲詞。停止南下。元培等亦絕不料此事爲袁氏主動。致書南方。盛稱其能。謂北京不可一日無此君。南來之事。似可作罷云云。南京政府信之。袁氏遂於民國元年三月十日。在北京舉行臨時大總統就任禮。踞千數百年帝王之巢穴。以徐吹帝制之死灰復燃焉。

第二節 袁氏稱帝之近因

袁氏既就任政府北遷。依南京參議院議決臨時約法。實行責任內閣制。唐紹儀組織內閣。民黨要人王寵惠、宋教仁、蔡元培等皆列席閣員。袁氏惡之。仍欲行其獨裁政治。內閣幾同虛設。紹儀憤請辭職。同時任閣員者。除外交內務陸海軍諸部外。皆相繼辭職。以陸徵祥代爲總理。至是而袁氏推倒民黨政權之

目的以達

又政府北移後。革命軍之駐南京者。尚不下十餘萬。袁氏陽任黃

興爲南京留守。統轄南方軍隊。陰實派人游說。賄囑報紙。諷革命諸將領。遣散軍隊。不必存此特立機關。破壞國家統一之制。與然之。逐漸裁遣。事未竟。卽電請銷職。既而滬軍都督亦辭職。所部皆屬之蘇督程德全。德全委駐揚陸軍第十一師長章梓爲軍務司長。梓以駐蘇軍隊複雜太甚。商於德全。大加裁減。袁氏亦以餉項不足。爲言。派海軍少將鄭汝成南下。協同辦理。裁兵事宜。除駐浦口之第一軍駐揚州之第二軍。駐南京之第八師。直隸中央外。其屬於江蘇都督者。或裁。或併。編爲三師。他省所裁者。亦稱是。至是而袁氏削弱南方兵力之目的。又達。宋教仁以在野政客。爲海內宗仰。組織政黨。內閣民黨皆屬意於教仁。教仁亦以此自任。袁氏啣之。必欲死教仁。命趙秉鈞圖之。秉鈞屬其秘書長洪述祖。密與青紅幫首領應桂馨相結。應遣其徒武士英。伺教仁於滬寧車站。狙擊之。果中。至是而袁氏屠戮正士之惡辣手段。又次第實施。旋宋案證據。

袁氏稱帝之近因

七

由江蘇都督程德全民政長應德閔宣布政府確爲謀殺主犯全國大譁。贛皖湘粵四都督等先後呈請按律抵罪。五國大借款既成不經院議違法簽字。四都督又去電力爭袁氏愈惡之。派北軍紛紛南下。並先後免贛督李烈鈞粵督胡漢民皖督柏文蔚官。戰端遂起。贛寧皖粵閩湘及四川重慶次第宣布獨立。組織討袁軍。推岑公春煊爲大元帥。然因倉卒從事餉械並缺。初雖迭獲勝利。旋亦悉歸失敗。自是而後袁氏遂躊躇滿志。日以一手挾利刃。一手持金錢。劫誘國人。籌備皇位。威脅國會。議員選舉袁氏爲第一任正式大總統。藉解散國會修改約法爲之先聲。極意復古。摹擬帝制爲之醞釀。當籌安會未發生前鄂人裴平治迎合心理。請復帝制。袁以不合時宜。令飭拿辦。清代遺老勞乃宣宋育仁以聞人言。項城生平極主君主立憲。附會經義。盛倡復辟。袁氏以誤會意旨亦下令嚴禁。並解育仁回籍。迨至去年袁氏欲乘歐戰期間外人不暇干涉。實演

其數十年來夢想之皇帝劇參政院參政楊度孫毓筠等承袁意旨與嚴復劉師培李燮和胡瑛諸人撫拾謫言發起籌安會通電各省昌言恢復帝制時有賀振雄控之於肅政廳肅政廳不敢預李誨訴之於法院法院不敢受理周震勛欲辦治安會以與角爭忽被警廳禁止而發起此會六人之居宅并由政府遴派軍警嚴加保護自是帝制派益興高采烈運動多人紛紛向參政院呈遞變更國體請願書梁士詒於北京組織全國請願聯合會將各省及各機關之請願書向參政院提出由參政院以代行立法院名義建議袁氏請以國民會議爲解決國體機關袁氏遂發令提前召集國民會議嗣以選舉手續遷延時日帝制派又續行請願於參政院由參政院建議以國民會議之初選當選人爲基礎選出國民代表組成國民代表大會解決國體咨達袁氏並附以通過之國民代表大會組織法由袁

氏公布施行。一面由段芝貴朱啓鈴袁乃寬張鎮芳孫毓筠顧鼐等密電各省指授方法製造民意（詳見雲南所著民意徵實錄）凡兩閱月國民代表大會之票數彙齊全體主張君主並推戴袁氏爲皇帝公同委托參政院爲總代表奏請袁氏登極袁氏佯爲撝謙咨覆辭不敢受隨由參政院呈遞第二次推戴書袁氏遂發令承認接收帝位改元洪憲大封公侯伯子男取消副總統之名位封黎公爲武義親王一切舉動儼然皇帝正方設法運動外國承認消弭國人反抗突霹靂一聲雲南護國軍之義幟高豎於五華峯上如火如荼之帝制竟成夢泡一世梟雄之袁氏亦因此而名裂身死於戲是豈袁氏意料所及哉

第三章 首義前之準備

第一節 帝制未發生前之準備

初二次革命軍起。滇黔軍隊奉袁氏令調赴援川。今督軍唐公繼堯時以貴州都督任滇黔援川軍總司令。甚不直袁氏所爲。電商前滇督蔡公鐸。欲聯合滇川黔桂組織聯合軍。會長江流域滅袁氏勢力。因佯爲奉命。唐公則遣葉師長荃黃司令官毓成率師出川赴重慶。蔡公則遣謝司令官汝翼劉梯團長雲峰率師赴中州。而陰則先欲與四川討袁軍總司令熊克武聯合共圖倒袁。並密電約予南旋襄理軍務。（以予時任貴州軍事代表在北京故）電爲袁探檢獲索密碼去譯得大意。袁因派人監視予之行動。百計苦不得脫。滇黔師次川境。聞獨立各省皆以餉械不支相繼瓦解。而袁氏亦忌滇黔軍有異。急電促唐蔡二公撤兵。謂長江流域現已無事。滇黔道遠無庸跋涉云云。唐公知事無可爲。乃變計徐待時機再舉。進兵攻熊以敷衍其事。熊敗亡走。二次革命軍至是遂完全失敗。向使獨立各省事前早有準備。餉械源源接濟。支持稍久。則滇黔軍一出。實具左右。

南北之勢而倒袁之目的或不俟護國軍起而始達矣。厥後袁

氏以計調蔡公入京（蔡公之調京也有謂組織內閣者有謂任參謀總長者有謂任湖南都督者而督湘一說尤爲當時國務總理熊希齡所贊成曾以此意電蔡勸駕）蔡公舉唐公自代（蔡公去滇市抵香港湘督已發表爲湯薌銘內閣總理及參謀總長之說更屬子虛及抵京後袁僅畀以高等軍事顧問隨任爲參政院參政昭威將軍督辦經界局統率辦事處辦事員等職名爲優遇實等幽禁公知之益深自緘晦以待時機）唐公遂白黔中移節督滇於整軍經武之暇嘗語人曰：目前大局雖甚平靜而亂機四伏難保無事吾滇地險民強可資戰守若取三迤子弟而施以軍事教育曷以國家大義將來國中有變奠定神州者必當世所不注意之雲南也。於是對於軍事上益爲種種之籌備其山精神上著手者如提倡軍隊武勇精神而注重各種技術並親臨教授之類注重軍隊德育智育而

設將校講學會。授以道德要旨。法制概要。名將事略。王學旨要。孫吳兵法。暨軍事各學。並印刷理學諸書。分授各將校自習之類。**提起軍人愛國精神**。而每集合官兵。輒訓以中國外患內憂。禍至無日。及引德意志普魯士軍隊。日本鹿兒島軍人。爲本軍模範之類。其由實體上著手者。**如滇省軍事人才大半出於講武學校**。袁氏惡其成材。多爲革命資也。久欲取消該校。唐公極力保存。加意整頓。上年八月。添招志願隊學生百餘名。並將測量局班員。調入該校學習。以培養軍事人才。又擴張軍隊。非中央許可。不能實行。而袁氏因欲帝制自爲。嘗抱一強幹弱枝之計畫。擴張軍隊。尤難得請。**唐公知其隱。乃藉補充缺額名義。陸續派員徵兵。又藉口防亂。添編警衛二團**。任唐繼禹趙世銘爲團長。以秘密擴張軍隊外。若上年籌集的款。向德國訂購二百餘萬元之軍械。（歐戰發生。此項軍械僅運一部來華。爲袁氏扣留。迭派員赴京交涉。卒無效果。）借準備秋操名義。派軍需課長繆嘉壽赴日本購數十萬元之軍用。